



**UNIT KOMUNIKASI  
KORPORAT  
JABATAN PERIKANAN  
MALAYSIA**

BERITA PERIKANAN HARI INI

**27-28/2/2021 -  
1/3/2021**

SENARAI AKHBAR	TAJUK
Utusan Malaysia	<ul style="list-style-type: none"><li>• Susahnya nelayan nak dapat lesen</li></ul>
Berita Harian	
Harian Metro	
Kosmo	<ul style="list-style-type: none"><li>• Ikan mati air tercemar</li></ul>
Sinar Harian	<ul style="list-style-type: none"><li>• Air mata tuntung sungai</li><li>• Jabatan Perikanan Terengganu siasat aktiviti menuba udang galah</li></ul>
New Straits Times	
The Star	
Bernama	
Lain- Lain Akhbar	

JENIS AKHBAR						MUKA SURAT	TARIKH		
UTUSAN MALAYSIA	✓	KOSMO!		THE STAR	NANYANG SIANG PAU			13	27/3
BERITA HARIAN		SINAR HARIAN		HARAKAH	SIN CHEW DAILY				
HARIAN METRO		NEW STRAITS TIMES		THE MALAY MAIL	PELBAGAI				

# Susahnya nelayan nak dapat lesen

UM 13  
27/3

Oleh **AMRAN MULUP**  
utusannews@mediamulia.com.my

**MELAKA:** "Saya sedia ditahan dan dihadapkan ke mahkamah".

Itu luahan hari seorang nelayan dari Pantai Puteri dekat sini yang menangkap ikan tanpa lesen daripada Jabatan Perikanan.

Bercakap kepada *Utusan Malaysia*, dia yang hanya mahu dikenali sebagai Mat Laham berkata, rata-rata nelayan yang senasib dengannya tidak mempedulikan langsung amaran daripada Jabatan Perikanan, sebaliknya tetap turun ke laut walaupun tidak mempunyai lesen.

"Tiga kali permohonan saya untuk mendapatkan lesen ditolak oleh Jabatan Perikanan

atas alasan kuota sudah penuh di Pantai Puteri. Saya terpaksa ingkar arahan itu kerana hendak mencari rezeki untuk kelangsungan hidup.

"Saya perlu sara tiga anak dan isteri yang tidak bekerja. Apa lagi yang saya mampu lakukan melainkan menjadi nelayan? Tidak kisahlah Jabatan Perikanan tidak luluskan lesen saya walau tiga kali dipohon," katanya ketika ditemui di sini, semalam.

Mat Laham turut menegaskan, alasan yang diberikan bahawa kuota sudah mencukupi adalah tidak logik.

Ini kerana, jelasnya, ada sege-lintir nelayan yang memiliki lesen tidak turun ke laut lebih daripada tiga bulan dan ada juga menye-

wakannya kepada orang lain.

Ia dilakukan semata-mata demi Elaun Sara Hidup Nelayan (ESHN) sebanyak RM300 dan peruntukan subsidi minyak petrol.

"Sepatutnya, Jabatan Perikanan wajar mengambil tindakan ke atas mereka yang tidak bertanggungjawab dengan menarik balik lesen mereka. Kekosongan itu wajar diberikan kepada mereka yang benar-benar bekerja sepenuh masa sebagai nelayan seperti saya.

"Bukan saya sahaja permohonan lesen ditolak, malah, ramai lagi nelayan mengalami nasib yang sama. Begitu juga nelayan dari Kampung Balik Bukit dekat sini yang rata-ratanya bergantung punca rezeki di laut," ujarnya.

**SEBAHAGIAN** sampan yang tidak bernombor dimiliki nelayan yang tidak mempunyai lesen di Pantai Puteri, Melaka.  
- UTUSAN/AMRAN MULUP



JENIS AKHBAR						MUKA SURAT	TARIKH		
UTUSAN MALAYSIA	KOSMO!	✓	THE STAR	NANYANG SIANG PAU				16	28/2
BERITA HARIAN	SINAR HARIAN		HARAKAH	SIN CHEW DAILY					
HARIAN METRO	NEW STRAITS TIMES		THE MALAY MAIL	PELBAGAI					

Kosmo M/S 16 28/2/2021

# Ikan mati air tercemar

Oleh AIMUNI TUAN LAH

**GUA MUSANG** - Tindakan beberapa buah kilang yang melepaskan sisa buangan ke dalam Sungai Ketil didakwa menjadi punca ribuan ikan air tawar mati dalam kejadian dekat Taman Rekreasi Rimba Wangi, Taman Wangi di sini sejak tiga minggu lalu.

Bukan itu sahaja, kejadian itu didakwa semakin serius apabila banyak ikan ditemui terapung sejak Selasa lepas.

Penduduk mendakwa, pencemaran sungai berlaku apabila kilang-kilang di kawasan perindustrian Gua Musang melepaskan sisa buangan.

Pengerusi Kelab Rukun Tetangga Taman Wangi, Rizal Ghazali berkata, mereka bimbang dengan situasi itu kerana Sungai Ketil merupakan lubang ikan kelah selain menjadi kawasan rekreasi.

"Kejadian itu berlaku berulang kali sejak empat tahun lalu. Ikan mati secara tiba-tiba dan tidak diketahui puncanya. Kami syak ia datang dari kawasan kilang di hulu sungai.

"Jabatan Alam Sekitar (JAS) diminta menjalankan siasatan dan mencari puncanya. Kami tidak mahu Sungai Ketil terus tercemar," katanya kepada pemberita di Taman Rekreasi Rimba Wangi di sini semalam.

Sementara itu, Ahli Dewan Undangan Negeri Galas, Mohd. Syahbuddin Hashim berharap agar JAS segera menyasiat perkara berkenaan.

"Taman rekreasi itu telah dinaik taraf sejak tahun lalu untuk penduduk mandi-manda dan



**PENDUDUK** menunjukkan sebahagian anak ikan kelah yang mati akibat pencemaran Sungai Ketil di Gua Musang semalam.

berkelah. Pencemaran telah berlaku dua tahun lalu sehingga beberapa kilang ditutup.

"Ia perlu segera dihentikan dan saya difahamkan pencemaran berlaku ketika cuti. Tambah pula, kawasan itu telah digazetkan sebagai tempat riadah

dan rekreasi tahun lalu," katanya.

Katanya, ketika ini kelengkapan kemudahan untuk orang awam giat dilakukan oleh Majlis Daerah Gua Musang termasuk pembinaan dataran, gerak jualan, naik taraf tangga dan kemudahan lain untuk orang awam.

Tuba udang galah ancam ekosistem, nyawa tuntung sungai

## KEMAMAN

**A**ktiviti menuba udang galah di Sungai Kemaman, Terengganu sejak sekian lama bukan sahaja memberi kesan negatif terhadap ikan dan udang di dalam sungai tetapi ia mula mengganggu fisiologi tuntung sungai.

Memburukkan keadaan, aktiviti itu semakin rancak selepas musim tengkujuh atau antara bulan Februari dan Mac, yang juga musim persarangan tuntung di sungai berkenaan.

Kesannya mula dilihat apabila jumlah kutipan telur tuntung sungai yang dilakukan Pusat Penetasan Tuntung di Kampung Pasir Gajah, Kemaman menurun sejak ia mula dilaksanakan pada tahun 2011.

Pengurus Projek Turtle Conservation Society of Malaysia (TCS), Dylan Wang berkata, kerja-kerja pemuliharaan tuntung itu adalah hasil usaha sama persatuan itu bersama Jabatan Perlindungan Hidupan Liar dan Taman Negara Semenanjung Malaysia (Perhilitan) dan penduduk kampung.

Bagaimanapun, penggunaan tuba yang merupakan racun semula jadi yang digunakan bagi menangkap ikan dan udang air tawar oleh pihak yang tidak bertanggungjawab, kini mula mengancam populasi tuntung.

"Apa yang mengecewakan kami, aktiviti ini memuncak setiap awal tahun yang juga musim tuntung sungai bersarang. Bukan sahaja kesan daripada racun tuba, tuntung juga sensitif pada cahaya.

"Jadi, lampu malahan api rokok juga boleh menghalangnya daripada mendekati pesisir sungai untuk ber-



Tuntung sungai yang dipelihara di Pusat Penetasan Tuntung di Kampung Pasir Gajah, Kemaman, Terengganu.



Tuntung sungai yang sedang berjaya diselamatkan penduduk kampung.

# 'Air mata tuntung sungai'

riviti ini diteruskan terutamanya pada waktu malam.

"Dalam kejadian beberapa hari lepas, pihak kami dan penduduk melihat banyak udang beralih ke tepi sungai dan gigi air. Kami teramat sedih dengan situasi ini kerana kita tahu sungai telah diracun.

"Racun yang digunakan itu biasanya menyebabkan udang galah mengalami pedih mata. Kadangkala kita boleh lihat udang melompat kerana tidak tahan dan pergi ke gigi atau tepi sungai.

"Penggunaan racun itu juga mengganggu habitat tuntung yang banyak di Sungai Kemaman.

"Kami dan penduduk kampung kutip udang itu, malah ada yang berjaya dapat sehingga lima kilogram.

"Bayangkan, bagaimana kesannya jika ia berterusan. Bukan sahaja udang, malah ikan dan tuntung sungai yang banyar pupus itu terkesan," katanya.

Jelas Dylan, setiap tahun pihaknya terpaksa melaporkan kejadian tuba udang kepada Jabatan Perikanan Negeri Terengganu dan pihaknya juga mengambil beberapa botol sampel air sungai dan menyimpan udang tersebut sebagai bukti.

## Kutipan telur tuntung menurun

Sejak kerja-kerja pemuliharaan tuntung dijalankan oleh Pusat Penetasan Tuntung di Kampung Pasir Gajah di sini, sebanyak 6,000 anak tuntung berjaya dieramkan dan dilepaskan ke Sungai Kemaman.

Bagaimanapun, ia dibimbangi akan terganggu susulan kutipan telur

tuntung menurun saban tahun.

Pada peringkat permulaan kerja-kerja konservasi dilakukan, pihaknya dan penduduk kampung berjaya mengutip lebih 1,000 telur tuntung bagi setiap kawasan yang dibersihkan.

"Sekarang ini kita ada lima, enam kawasan tapi nak dapatkan 500 biji sangat sukar. Untuk tahun ini sahaja, kita hanya dapat 400 lebih, tidak sampai 500 biji.

"Keadaan itu amat membimbangkan kerana jika berterusan, kita bimbang tuntung sudah tidak mahu bertelur di kawasan ini," katanya.

Jelas Dylan, bagi memastikan survival tuntung sungai, dia dan penduduk Kampung Pasir Gajah khususnya, akan melakukan kerja-kerja mengutip telur tuntung untuk dieram dan ditetas, sebelum dilepaskan kembali ke sungai.

Selain itu, pihaknya juga akan menimbang berat dan mengukur saiz tuntung yang mendarat, selain melabel dan memasang mikrochip

"Telur tuntung ambil masa tiga bulan untuk menetas. Biasanya, setiap tahun kita akan adakan acara pelepasan anak tuntung ke sungai secara besar-besaran, bagi meraikan kejayaan kita menamatkan spesies terancam ini," katanya.

Difahamkan, taburan tuntung sungai hanya direkodkan di Kedah, Perak dan Terengganu, dengan sebahagiannya di Sungai Kemaman (Pusat Penetasan Tuntung, Kampung Pasir Gajah) dan tapak pemuliharaan di Pusat Konservasi Tuntung di Kuala Berang, Hulu Terengganu.



Kerja-kerja mencari telur tuntung sungai bagi tujuan pemuliharaan.

## Gesa penguatkuasaan tegas

**BAGI** mendebug masalah tuba itu, Dylan berkata, pihaknya mendedangkan agar satu sesi dialog diadakan antara pihak Jabatan Perikanan Negeri Terengganu, Perhilitan dan penduduk setempat untuk bersama-sama mencari kata sepakat.

Ia bagi memastikan bekalan udang dan ikan di sungai itu adalah selamat untuk dimakan, serta tidak mengganggu proses persarangan tunting di dalam sungai.

"Saya juga mengharapkan pihak berkuasa terutamanya daripada Jabatan Perikanan agar meningkatkan rondaan di sepanjang Sungai Kemaman agar kita dapat kawal dan mendebug aktiviti tidak bertanggungjawab ini.

"Selain itu, kita juga ambil pendekatan bekerjasama dengan penduduk kampung untuk melaporkan sebarang kejadian tuba dan individu yang mencurigakan di kawasan ini," kata beliau.

Bagi memastikan populasi tunting meningkat di Sungai Kemaman, TCS mengambil pendekatan melalui penduduk tempatan khususnya di Kampung Pasir Gajah cara-cara penjagaan dan pemuliharaan tunting.



Udang galah yang dijumpai di tepi sungai, diperolehi kesan tuba.

Karanya, ia merupakan projek komuniti yang mana penduduk kampung dilatih membuat kerja-kerja lapangan termasuk mengutip telur tunting dan terlibat sama dengan kerja-kerja melabel.

"Kita ajak orang kampung untuk terlibat sama dan menjaga 'harta' mereka ini. Jadi, mereka akan sayang dan tidak akan sewenang-wenangnya membiarkan orang luar datang mengambil dan merosakkan 'harta' mereka," katanya.



Pegawai penguatkuasa Jabatan Perikanan Negeri Terengganu turun padang meninjau aduan kejadian tuba di Sungai Kemaman, Terengganu.



### INFO TUNTING:

- Nama saintifiknya *Batagur affinis*.
- Tergejang dalam kumpulan reptilia seperti penyusut, labi-labi dan kura-kura.
- Tunting betina lebih besar berbanding jantan. Tunting betina boleh mendebug sehingga 50 sentimeter berbanding tunting jantan yang boleh mendebug lebih kurang 40 sentimeter mengikut kategori pertamanya.
- Makanan utamanya termasuk tumbuhan dan buah-buahan yang diperolehi di tepi sungai dan ikan kecil.
- Anak tunting berwarna kelabu dan yang dewasa berwarna coklat kekelabuan.
- Telurnya berbentuk bujur dan mengandungi empat hingga 20 biji telur pada setiap kali bertelur.
- Tunting di Malaysia merupakan haiwan eksotik perindustrian penuh di bawah Akta Hidupan Liar 2010 yang melarang mana-mana orang daripada menangkap, memakan, menjual tunting dan telurnya.

Sumber: <https://ms.wikipedia.org/wiki/Tunting>

### APA ITU TUBA?

- Tuba merupakan sejenis racun kimia terlarang yang digunakan bagi menangkap ikan dan udang air tawar.
- Racun tuba berasal dari pokok tuba, di mana akarnya mengandungi bahan kimia kuat yang meracuni ikan dan udang air tawar serta berbahaya.
- Penggunaan racun tuba bukan sekadar mencemari sungai, malah ia turut memberi kesan kepada hidupan air tawar lain serta masyarakat yang bergantung kepada hasil tangkapan dan sungai.
- Penggunaan racun atau bahan pencemar serta bahan letupan merupakan satu kesalahan di bawah Akta Perikanan 1995 (Akta 317) dan Peraturan-Peraturan Perikanan.

Sumber: Turtle Conservation Society of Malaysia



Baraja kerja mengutip telur tunting bagi tujuan pemuliharaan di Sungai Kemaman, Terengganu.



Telur tunting.

## Jabatan Perikanan Terengganu siasat aktiviti menuba udang galah

**KUALA TERENGGANU** - Jabatan Perikanan Terengganu menyiasat dakwaan berlaku kegiatan menuba udang galah di Sungai Kemaman, sebagaimana tular di media sosial Facebook.

Pengarahnya, Zawawi Ali berkata, seramai lima pegawai penguatkuasa dari Jabatan Perikanan Terengganu telah turun melawat lokasi kejadian di Sungai Kemaman.

Beliau berkata, setakat ini tiada saksi atau suspek yang dikesan berhubung kejadian itu malah tiada sebarang penangkapan dilakukan.

"Walaupun tiada saksi atau suspek

dikesan, pihak penguatkuasa telah mengambil maklum kes terbahit dan akan memantau lokasi sekitar Sungai Kemaman dengan lebih ketat.

"Kita juga akan melakukan pemsantauan bagi memastikan kejadian sama tidak berulang," katanya.

Zawawi berkata lagi, kejadian menuba udang di Sungai Kemaman pertama kali dilaporkan kepada pihak jabatan.

"Aduan mengenai kegiatan menuba udang ini pertama kali diterima kerana belum ada kes begini dilaporkan sebelumnya," katanya.



ZAWAWI